

UGOVORA O NABAVCI LABORATORIJSKE OPREME

PRODAVAC: „Elur“ d.o.o. Kiseljak ul. Žrtava domovinskog rata br. 2 71250 Kiseljak, ID broj: 4236010950005 kojeg zastupa Marko Kristić (u daljem tekstu: Prodavac)

KUPAC: Javna ustanova “Centar za napredne tehnologije u Sarajevu”, Vilsonovo šetalište br.9 , 71000 Sarajevo, ID broj: 4202589260003, koju zastupa direktor Ensar Mulaosmanović (u daljem tekstu: Kupac)

PREDMET UGOVORA

Član 1

(1) Predmet ugovora je nabavka ručnih 3D skenera za reverzibilni inženjering u procesu razvoja i dizajna proizvoda za potrebe Javne ustanove “Centar za napredne tehnologije u Sarajevu”

(2) Na temelju provedenog postupka javne nabave – konkurentski zahtjev za dostavu ponuda za laboratorijske opreme za potrebe Javne ustanove “Centar za napredne tehnologije u Sarajevu“, donio Odluku o izboru najpovoljnijeg ponuđača broj: 281-030-03/21 od 20.10.2021. godine, kojom je odabrana ponuda Ponuđača Elur d.o.o. broj: 117/21 od 07.10.2021. godine.

SADRŽAJ UGOVORA

Član 2

(1) Slijedeći se dokumenti smatraju i tumačit će se kao sastavni dijelovi ovog Ugovora:

- (a) Obrazac za cijenu ponude,
- (b) Garancija za uredno izvršenje Ugovora,
- (c) Ponuda Odabranog ponuđača broj: 117/21 od 07.10.2021. godine

CIJENA

Član 3

Ukupna cijena za robu iz članka 1 ovog Ugovora iznosi najviše: bez uračunatog PDV-a: 41.118,00 KM,
PDV: 6.990,06 KM,

sa uračunatim PDV-om: 48.108,06 KM, (slovima: četerdestosamhiljadastotinuosam 06/100)

- (1) Cijene pojedinačnih roba su navedene u Obrascu za cijenu ponude koji je sastavni dio ovog Ugovora.
- (2) Ugovorena cijena uključuje sve troškove nabave, pakovanja, sklapanja, transporta, isporuke, unošenja, instalacije i obuke u prostorijama kupca i troškove osiguranja.
- (3) Ugovorena cijena je fiksna i ne podliježe promjenama ni pod kojim uslovima.

MJESTO ISPORUKE

Član 4

(1) Mjesto isporuke je sjedište Javne ustanove “Centar za napredne tehnologije u Sarajevu”, Vilsonovo šetalište br. 9, 71000 Sarajevo

ROK ISPORUKE

Član 5

(1) Isporuka robe će se izvršiti jednokratno u roku od 45 (četrdeset pet) dana od dana potpisivanja ugovora.

USLOVI PLAĆANJA

Član 6

(1) Ugovorna cijena se ne može mijenjati u periodu važenja ovog Ugovora, a u skladu sa člankom 72. stavak 5. Zakona o javnim nabavama Bosne i Hercegovine.

(2) Za ovaj Ugovor nije predviđeno avansno plaćanje.

(3) Plaćanje se vrši temeljem ispostavljenog računa ovjerenog od strane ovlaštene osobe Kupca. Ovjera podrazumijeva potvrdu da je roba isporučena i sklopljena u količini, vrsti, kvalitetu i roku specificiranim ugovorom.

(4) Račun koji Kupac ospori vratit će se Prodavcu na ispravku u roku od osam (8) dana od primitka.

(5) Kupac će Prodavcu izvršiti plaćanje na žiroračun u roku od 30 dana od dana prijema fakture.

(6) U slučaju podugovaranja, odgovornost za uredno izvršavanje ugovora snosi Prodavac.

OTPREMA, ISPITIVANJE I PREUZIMANJE ROBE

Član 7

(1) Prodavac će obezbijediti takvo pakovanje opreme kakvo je neophodno da ga zaštiti od oštećenja ili lomljenja do konačnog odredišta. Pakiranje mora biti u stanju podnijeti, bez ograničenja, grubo rukovanje i sve ostale manipulacije tokom prijevoza i utjecaj klimatskih okolnosti tokom prijevoza.

(2) Pakiranje, oznake i dokumentacija unutar i izvan ambalaže moraju biti u skladu sa Ugovorom i zahtjevima iz Tehničke specifikacije.

(3) Način transporta, veličinu i težinu ambalaže, gdje je to potrebno, potrebno je prilagoditi udaljenosti do krajnjeg odredišta robe.

(4) Prodavac snosi troškove osiguranja prijevoza i istovara robe do mjesta isporuke.

(5) Isporuka pretpostavlja da Prodavac snosi troškove prijevoza, istovara/unošenja robe do odredišta i instalaciju (postavljanje) na predviđenim mjestima.

Član 8

(1) Kvalitet robe mora biti takav da zadovoljava sve tehničke karakteristike u skladu sa Tehničkom specifikacijom.

(2) Kupac zadržava pravo da nakon unošenja i montaže/postavljanja robe izvrši kvantitativni i kvalitativni pregled iste na licu mjesta. Sva roba na kojoj se nakon unošenja i montaže/postavljanja ustanove bilo kakvi nedostaci ili odstupanja od zahtjeva tendera, na zahtjev Kupca, bit će od strane Prodavca zamijenjena u roku od 10 dana.

ODGOVORNOST I VIŠA SILA

Član 9

(1) Prodavac nije odgovoran za produžavanje rokova isporuke utvrđenih ovim ugovorom ukoliko su rezultat više sile.

(2) Svi razlozi izvan razumne kontrole Prodavca, koji se nisu dogodili zbog greške Prodavca ili nemara i koji se nemogu predvidjeti, smatrat će se višom silom.

PERIOD VAŽENJA I RASKID UGOVORA

Član 10

Ugovor stupa na snagu danom potpisa ovlaštenih predstavnika obje ugovorne strane, na period od 60 (šezdeset) dana.

Kupac može donijeti odluku o prekidu ugovora, pisanim obavještenjem poslanim Prodavcu, u slijedećim slučajevima:

- a) ukoliko Prodavac propusti da isporuči predmetnu robu u vremenskom periodu određenom u ugovoru,
- b) ukoliko Prodavac propusti da izvrši sve druge obveze prema ugovoru koje bitno mogu djelovati na rad Kupca,
- c) ukoliko Prodavac bankrotira ili je insolventan na drugi način, pod uvjetom da takvo raskidanje ne oštećuje ili ne djeluje na bilo kakvu obvezu koju Prodavac ima prema Kupcu.

GARANCIJA ZA UREDNO IZVRŠENJE UGOVORA

Član 11

(1) Prodavac je dužan dostaviti bezuslovnu bankarsku garanciju za uredno izvršenje ugovora. Iznos garancije za uredno izvršenje ugovora je 10 % od ukupne vrijednosti ugovora o javnoj nabavci. Kao vrijednost ugovora uzima se vrijednost sa uračunatim PDV-om, odnosno 48.108,06. KM.

(2) Garancija za uredno izvršenje ugovora predaje se Kupcu istovremeno s potpisom ugovora, odnosno najkasnije u roku od 5 (pet) dana od dana potpisivanja ugovora, s rokom valjanosti 12 (dvanaest) mjeseci od dana puštanja u rad. Ukoliko izabrani ponuđač ne dostavi garanciju u predviđenom roku ugovor će se smatrati apsolutno ništavnim. U tom slučaju Ugovorni organ će ponuditi zaključivanje ugovora drugorangiranom ponuđaču.

(3) Bezuslovna bankarska garancija za uredno izvršenje ugovora će poslužiti za pokrivanje svake štete i troškova koje Kupac može imati ukoliko Prodavac prekrši ugovor. Pod povredama ugovornih obveza naročito se smatra:

- nepoštivanje roka isporuke robe,
- isporučivanje roba koje nisu ugovorene,
- obračunavanje cijena koje nisu ugovorene,
- isporučivanje robe koja nije u skladu sa zahtjevima postavljenim u specifikaciji,
- druga kršenja ugovora.

(5) Ako garancija za uredno izvršenje Ugovora ne bude naplaćena, Kupac će je vratiti Prodavcu nakon isteka Ugovora.

(6) Prodavac garantuje za upotrebljivost, ispravnost i kvalitetu isporučene robe minimalno 24 (dvadestčetiri) mjeseca od dana puštanja u rad.

ZAVRŠNE ODREDBE

Član 12

Ugovorne strane su saglasne da Prodavac neće zapošljavati odnosno angažovati i fizičke i pravne osobe koje su sudjelovale u pripremi tenderske dokumentacije ili su bile angažirane prilikom dodele ugovora i to najmanje šest mjeseci po zaključenju ugovora, odnosno od početka realizacije.

Član 13

Sve eventualne sporove koji proisteknu iz ovog Ugovora rješavati će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 14

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

ZA PRODAVCA



Marko Kristić

Broj 120/21
Datum: 29.11. 2021. godine

ZA KUPCA



Mr. dipl.Ing. Ensar Mulaosmanović

Broj: 281-030-07/21
Datum: 08.11.2021.godine